



Broj: 04-02.2-391-1/17

Sarajevo, 01.12.2017. godine.

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Direkcija za ekonomsko planiranje Vijeća ministara Bosne i Hercegovine, p o d n o s i

**IZVJEŠTAJ O RADU DIREKCIJE ZA EKONOMSKO PLANIRANJE
VIJEĆA MINISTARA BOSNE I HERCEGOVINE
ZA 2017. GODINU**

Uvod

Direkcija za ekonomsko planiranje (u daljnjem tekstu: DEP) je stalno tijelo Vijeća ministara Bosne i Hercegovine. U razdoblju 01.01.-31.12.2017. godine obavljani su poslovi i zadatci koji su definirani Zakonom o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), Zakonom o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), Odlukom o Direkciji za ekonomsko planiranje Vijeća ministara Bosne i Hercegovine („Službeni glasnik BiH“, broj 98/06), Pravilnikom o unutrašnjoj organizaciji DEP-a, broj 01-2-125-1/06 od 12.12.2006. godine.

Srednjoročni cilj Direkcije za ekonomsko planiranje

Srednjoročni cilj: „Unaprjeđenje kreiranja politika, procesa integriranja u EU i reforme javne uprave“, je cilj čijem ostvarenju prema Srednjoročnom programu rada Vijeća ministara Bosne i Hercegovine za period 2016.-18. godine doprinosi i DEP (pored ostalih institucija Vijeća ministara Bosne i Hercegovine¹). Doprinos DEP-a u ostvarenju navedenog srednjoročnog cilja je u unapređivanju kapaciteta u izradi ekonomskih analiza i projekcija i uspostavljanju efikasnog sistema strateškog planiranja dokumenata ekonomsko-socijalnog razvoja i praćenja njihove implementacije. Da bi se to realizovalo potrebno je unaprijediti proces izrade projekcija na bazi analize ekonomskih kretanja i unaprijediti sistem koordinacije pripreme i izrade strateških dokumenata, monitoringa implementacije i evaluacije istih.

Prioriteti Direkcije za ekonomsko planiranje su:

¹ Direkcija za evropske integracije, Ured koordinatora za reformu javne uprave i Ministarstvo pravde BiH.

- izrada makro-ekonomskih projekcija za Bosne i Hercegovine,
- izrada strateških dokumenata za Bosne i Hercegovine,

Sve aktivnosti prioriteta zajedno doprinose ostvarenju ciljnih vrijednosti srednjoročnog cilja.

Direkcija za ekonomsko planiranje je kako je i planirano za 2017. godinu u cilju ispunjenja srednjoročnog cilja provodila slijedeće programe:

Program 1: Ekonomske analize,

Program 2: Izrada makro-ekonomskih projekcija,

Program 3: Koordinacija izrade razvojnih dokumenata

Program 4: Monitoring, izvještavanje i evaluacija razvojnih dokumenata.

Direkcija za ekonomsko planiranje je u cilju ispunjenja srednjoročnog cilja provodila u 2017. godini slijedeće projekte:

- Izradu mjesečnih informacija o kretanju makro-ekonomskim pokazateljima;
- Izradu analiza o ekonomskim kretanjima (kvartalne informacije o ekonomskim trendovima za Bosnu i Hercegovinu);
- Izradu Informacije o konkurentnosti u Bosni i Hercegovini;
- Unapređenje baza podataka;
- Izradu makro-ekonomskih projekcija za tekuću i naredne tri godine;
- Koordiniranje izrade i izradu Programa ekonomskih reformi za Bosnu i Hercegovinu 2018.-2020.(ERP);
- Izradu Informacija o perspektivama za Bosnu i Hercegovinu;
- Izradu informacije o fiskalnoj održivosti u Bosni i Hercegovini;
- Unapređenje makro-ekonomskog modela;
- Izrada razvojnih dokumenata
- Monitoring i izvještavanje o razvojnim dokumentima.

Mjesečne informacije o makroekonomskim kretanjima u Bosni i Hercegovini

su redovni mjesečni dokument koji se priprema za potrebe Vijeća ministara Bosne i Hercegovine, Fiskalno vijeće Bosne i Hercegovine i Zajedničku komisiju za ekonomske reforme i razvoj Parlamentarne skupštine BiH. Rad na redovnoj mjesečnoj informaciji podrazumijeva mjesečno ažuriranje i unos podataka vezanih za oblasti nacionalnih računa, industrijske proizvodnje, tržišta rada, cijena, javnih finansija, bankarskog i monetarnog sektora, berzi, direktnih stranih ulaganja, platnog bilansa i vanjske trgovine. U mjesečnim informacijama daju se informacije o posljednjim promjenama u vezi navedenih oblasti, što je prikazano i sažetim tabelarnim i/ili grafičkim prikazom.

Analiza o ekonomskim kretanjima u BiH - informacije o ekonomskim trendovima po kvartalima za 2017. godinu

su kvartalni detaljni pregledi, koji se kao Informacija o ekonomskim trendovima za Bosnu i Hercegovinu dostavljaju Vijeću ministara Bosne i Hercegovine, Fiskalnom vijeću Bosne i Hercegovine i Zajedničkoj komisiji za ekonomske reforme i razvoj Parlamentarne skupštine Bosne i Hercegovine. U okviru spomenutog dokumenta obrađuju se razne oblasti: nacionalni

računi, industrijska proizvodnja, tržište rada, cijene, javne finansije, bankarski i monetarni sektor, berze, direktna strana ulaganja, platni bilans, vanjska trgovina i poslovno okruženje.

Informacija o konkurentnosti u Bosne i Hercegovine

je redovna godišnja publikacija u kojoj se analizira realna pozicija bh. privrede u poređenju sa državama regiona i državama EU. U izradi dokumenta fokus je stavljen na dio koji se odnosi na konkurentnost vanjske trgovine (izvozna konkurentnost), privlačenje kapitala (uključujući DSU) s komparativnim osvrtom na zemlje sa sličnim tranzicijskim karakteristikama.

Unaprjeđenje baza podataka

Direkcija za ekonomsko planiranje je uspostavila internu bazu podataka koju koristi za potrebe izrade dokumenata (Informacije o ekonomskim trendovima za Bosnu i Hercegovinu, Informacije o makroekonomskim pokazateljima, Informacije o konkurentnosti za Bosnu i Hercegovinu, Programa ekonomskih reformi za Bosnu i Hercegovinu, Informacije o perspektivama za Bosnu i Hercegovinu, Informacije o fiskalnoj održivosti za Bosnu i Hercegovinu i dr.). U bazi su obuhvaćeni podaci iz različitih oblasti ekonomije koje DEP analizira.

Izrada makro-ekonomskih projekcija za Bosne i Hercegovine

makroekonomske projekcije se izrađuju najmanje dva puta godišnje (proljeće/jesen) za tekuću godinu potrebe izrade Dokumenta okvirnog budžeta (DOB-a, Budžeta institucija Bosne i Hercegovine, izrade strateških dokumenata za Bosnu i Hercegovinu, Izradu programa ekonomskih reformi i sl.). Angažman na izradi makroekonomskih projekcija podrazumijeva slijedeće aktivnosti: analizu prošlog i trenutnog stanja bh. ekonomije i međunarodnog okruženja, praćenje ekonomskih predviđanja zemalja u okruženju ali i EU (dokumenti EU, MMF-a, Svjetske Banke, ECB i sl.), ažuriranje makro-ekonomskog modela, usaglašavanje i unificiranje svih pretpostavki, izradu tekstualnog dijela makro-ekonomskih projekcija, tabela i grafika.

Izrada Programa ekonomskih reformi za Bosne i Hercegovine 2018.-2020. godine (ERP)²

DEP je autor poglavlja Makroekonomski okvir, koji uključuje najnovija ekonomska kretanja i srednjoročni makroekonomski scenario. Pripreme za izradu ove vrste dokumenta uključuju analizu statističkih izvještaja i međunarodnih publikacija. Nakon toga, pristupa se izradi i usaglašavanju projekcija (uz pomoć makroekonomskog modela) te pisanju tekstualnog dijela ERP-a na osnovu izrađenih makroprojekcija.

Izrada Informacije o perspektivama za BiH

se priprema dva puta godišnje. Izrada dokumenta uključuje slijedeće aktivnosti: prikupljanje i analiza podataka, domaćih i međunarodnih publikacija (EU, MMF, ECB, Svjetska Banka i sl.) u cilju ažuriranja pretpostavki i utvrđivanja trenutnih i budućih kretanja u bh. ekonomiji i okruženju. Dokument se dostavlja Vijeću ministara Bosne i Hercegovine.

² Economic reforme programme

Informacija o fiskalnoj održivosti za BiH

je namjenjena informiranju Vijeća ministara Bosne i Hercegovine u cilju, ne samo da se registruje kretanje javne zaduženosti u BiH (javni dug u % BDP-a), nego i da se odgovori na pitanje održivosti fiskalne politike, a glavni faktori dinamike duga kao što je primarni deficit, kamatne stope (uslovi zaduživanja) i njihova visina u odnosu na ekonomski rast su takođe dio informacije. Informacija se dotiče veličine sektora opšte vlade (poređenje u odnosu na druge zemlje), te kreditnog rejtinga zemlje koji u postojećim uvjetima onemogućava komercijalno zaduživanje pod prihvatljivim uslovima.

Unaprjeđenje makroekonomskog modela

Direkcija za ekonomsko planiranje je razvila model za izradu makro-ekonomskih projekcija koji koristi u svrhu izrade budućih predviđanja za bh. ekonomiju.

Izrada razvojnih dokumenata

Podrazumijeva izradu dokumenata: Srednjoročni program rada Vijeća ministara Bosne i Hercegovine 2018-2020; Revidiranje Strateškog okvira za Bosnu i Hercegovinu, koordinacija izrade Ekonomskog programa reformi Bosne i Hercegovine 2018-2020.

Srednjoročni program rada Vijeća ministara Bosne i Hercegovine predstavlja planski temelj za kvalitetno upravljanje razvojem u skladu sa nadležnostima Vijeća ministara i institucija Bosne i Hercegovine za koje je nadležno Vijeće ministara Bosne i Hercegovine. Ovo je strateški dokument koji sadrži uspostavljene strateške i srednjoročne ciljeve iz okvira nadležnosti Vijeća ministara Bosne i Hercegovine zajedno sa indikatorima za praćenje i evaluaciju, kao i prijedlozima zakonskih i drugih propisa planiranih za izradu u narednom srednjoročnom periodu. Očekivani rezultati izrade SPRVM su harmoniziran i koordiniran proces planiranja, optimalna alokacija resursa na prioritetne zadatke i projekte kao i unaprjeđenje procesa praćenja programa i planova i izvještavanja o realizaciji u Vijeću ministara i institucijama Bosne i Hercegovine. Srednjoročni program rada Vijeća ministara 2018-2020 je usvojen na sjednici Vijeća ministara u Bosne i Hercegovine junu 2017.godine.

Aktivnosti na ažuriranju dokumenta *Strateški okvir za BiH* će se realizovati u okviru projekta SPPD2 u 2018.godini.

Direkcija za ekonomsko planiranje koordinira proces izrade *Programa ekonomskih reformi Bosne i Hercegovine 2018-2020*. Dokument je dostavljen na usvajanje Vijeću ministara Bosne i Hercegovine i usvojen u januaru 2018.

Monitoring i izvještavanje o razvojnim dokumentima

Podrazumijeva izradu dokumenata: Izvještaj o razvoju Bosne i Hercegovine za 2016. godinu; Bilten o socijalnom uključivanju; Izvještaj o socijalnoj uključenosti; Izvještaj o provođenju Srednjoročnog programa rada Vijeća ministara Bosne i Hercegovine; kao i izradu Ankete o zadovoljstvu korisnika.

Ključna svrha pripreme godišnjih *Izveštaja o razvoju* Bosne i Hercegovine za 2016. godinu je redovno praćenje napretka razvojnih trendova socio-ekonomskog razvoja BiH. Monitoringom se jača cjelokupni sistem planiranja socio-ekonomskog razvoja u Bosni i Hercegovini, što je od posebnog značaja u procesu približavanja Bosne i Hercegovine EU.

Izveštaj se sastoji od pregleda trendova razvoja i politika u pojedinim oblastima sa preporukama, kao i usaglašenog seta kvantitativnih i kvalitativnih indikatora razvoja BiH. Izveštaj je u K3 2017 dostavljen Vijeću ministara Bosne i Hercegovine gdje je sa zaključkom primljen k znanju.

Direkcija za ekonomsko planiranje Vijeća ministara Bosne i Hercegovine je u 2017. godini izradila i objavila na svojoj internet stranici *Bilten o socijalnoj uključenosti* koji je fokusiran na ciljeve održivog razvoja UN-a do 2030 godine.


Izveštaj o socijalnom uključivanju je godišnji izvještaj koji daje pregled stanja iz oblasti socijalnog uključivanja. Izveštaj obuhvata analiziranje ključnih sektora za proces socijalnog uključivanja kao što su socijalna politika, siromaštvo, zdravstvo, obrazovanje, zapošljavanje kao i analizu socijalno isključenih kategorija kao što su žene, djeca, mladi, stari, Romi, OSI. Izveštaj se sastoji od pregleda trendova razvoja i politika u pojedinim oblastima sa preporukama, kao i usaglašenog seta kvantitativnih i kvalitativnih indikatora razvoja BiH. Izveštaj je primljen k znanju na sjednici Vijeća ministara Bosne i Hercegovine u januaru 2018.

Izveštaj o sprovođenju Srednjoročnog programa rada Vijeća ministara Bosne i Hercegovine je izrađen u skladu sa Uputstvom o metodologiji u postupku srednjoročnog planiranja, praćenja i izvještavanja u institucijama Bosne i Hercegovine (Sl.glasnik BiH, broj 44/16) u prvom izvještajnom periodu probno. Napomena: Sve institucije nisu dostavile svoj izvještaj po Instrukciji DEP-a.

S ciljem unapređenja rada, adekvatnog odgovora na zahtjeve i potrebe korisnika, Direkcija je sprovela početne aktivnosti na pripremi *Ankete o zadovoljstvu korisnika*.

Izveštaj o provedenim konsultacijama na prednacrt Izveštaja o programu rada Direkcije za ekonomsko planiranje za 2017. godinu.

Direkcija za ekonomsko planiranje Vijeća ministara Bosne i Hercegovine je provela postupak konsultacija putem web stranice Direkcije u periodu 01.12.2017. do 21.12.2017. godine. Na navedeni Program rada nije bilo primjedbi i sugestija.


DIREKTOR
Zoran Zeljko


Opći cilj/principi razvoja: Upravljanje u funkciji rasta

Strateški cilj: Ubrzati proces tranzicije i izgradnje kapaciteta

Srednjoročni cilj: Unaprijeđenje kreiranja politika, procesa integracija u EU i reforme javne uprave

Specifični cilj: Unaprijediti izvještavanje o socioekonomskim kretanjima i izradu strateških dokumenata

Programi, projekti i aktivnosti	Nosilac aktivnosti (organizaciona jedinica)	Pokazatelji				Izvori finansiranja i troškovi			Vrijeme provođenja		Komentar
		Jedinica mjerenja (%, broj ili opisno)	Polazna vrijednost (2016)	Cijljana vrijednost (2017)	Ostvarena vrijednost na kraju godine (2017)	Izvori finansiranja (budžet, krediti, donacije, ostalo)	Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12

1.1.Ekomske analize

1.1.1. Izrada ekonomskih analiza

1.1.1.Mjesečna informacija o makroekonomskim kretanjima	Sektor za ekonomska istraživanja	Broj	12	12	12	Budžet	111,664	97,148	K1-K4	K1-K4	Dokumenti dostavljeni Vijeću ministara i primljeni k znanju
1.1.2.Analize o ekonomskim kretanjima	Sektor za ekonomska istraživanja	Broj	4	4	4	Budžet	126,552	110,100	K1-K4	K1-K4	Dokumenti dostavljeni Vijeću ministara i primljeni k znanju
1.1.3.Informacija o konkurentnosti	Sektor za ekonomska istraživanja	Broj	1	1	1	Budžet	14,889	12,953	K4	K4	Dokument dostavljen Vijeću ministara, ali još nije razmatran

NE DOSTAVLJA SE VIJEĆU MINISTARA, ALI SU PLANIRANA I REALIZIRANA SREDSTVA IZ BUDŽETA

Unapređenje baze podataka	Sektor za ekonomska istraživanja		Budžet	57,079	49,659	Kontinuirano
---------------------------	----------------------------------	--	--------	--------	--------	--------------

1.2. Makroekonomske projekcije

1.2.1. Izrada makroekonomskih projekcija

1.2.1.Izrada makroprojekcija	Sektor za ekonomska istraživanja	Broj	2	2	2	Budžet	40,686	35,397	K1 i K3	K1 i K3	Dokumenti dostavljeni Vijeću ministara i primljeni k znanju
1.2.2.Izrada Perspektiva	Sektor za ekonomska istraživanja	Broj	2	2	2	Budžet	22,067	19,198	K1 i K3	K1 i K3	Dokumenti dostavljeni Vijeću ministara i primljeni k znanju
1.2.3.Izveštaj o fiskalnoj održivosti	Sektor za ekonomska istraživanja	Broj	1	1	1	Budžet	19,309	16,799	K2	K2	Dokumenti dostavljeni Vijeću ministara i primljeni k znanju
NE DOSTAVLJA SE VIJEĆU MINISTARA, ALI SU PLANIRANA I REALIZIRANA SREDSTVA IZ BUDŽETA											
Unapređenje modela za projekcije	Sektor za ekonomska istraživanja						124,339	108,175	Kontinuirano		
1.3.Koordinacija izrade razvojnih dokumenata											
1.3.1 Izrada razvojnih dokumenata											
1.3.1.Koordinacija i izrada srednjoročnog programa rada Vijeća ministara BiH 2018-2020	Sektor za koordinaciju pripreme, monitoring implementacije i evaluaciju razvojnih dokumenata i analizu socijalne uključenosti (Sektor 02)	Broj	0	1	1	Budžet	110,000	91,134	K1 i K2	K1 i K2	Nacrt Srednjoročnog programa rada VM za 2018 – 2020 je izrađen i prijedlog dokumenta poslan VM na usvajanje
1.3.2. Revizija dokumenta strateški okvir za BiH	Sektor 02	Broj	0	1	1	Budžet	90,000	80,000	K4	K4	Aktivnost se prenosi u 2018.godinu i biće urađena uz pomoć projekta SPPD2
1.3.3. Koordinacija izrade ERP-a 2018-2020	Sektor 02	Broj	0	1	1	Budžet	45,000	40,000	K2 i K4	K2 i K4	Program ekonomskih reformi 2018-2020 je usvojen od strane VM u K1 2018.
1.4. Monitoring, izvještavanje i evaluacija razvojnih dokumenata											
1.4.1. Monitoring i izvještavanje o razvojnim dokumentima											
1.4.1.1. Izveštaj o razvoju BiH - za 2016. godinu	Sektor 02	Broj	0	1	1	Budžet	90,000	80,000	K3	K3	Izveštaj je primljen k znanju od strane VM

1.4.1.2. Izvještaj o provođenju SPRVM za 2016.godinu	Sektor 02	Broj	0	1	1	Budžet	80,000	71,210	K2	K2	urađen - probno
1.4.1.3. Bilten o socijalnoj uključenosti	Sektor 02	Broj	0	1	1	Budžet	40,000	35,000	K4	K4	Posvećen je ciljevima održivog razvoja 2030
1.4.1.4. Izvještaj o socijalnoj uključenosti	Sektor 02	Broj	0	1	1	Budžet	58,000	50,000	K4	K4	Izvještaj je primljen k znanju od strane VM
1.4.1.5. Anketa o zadovoljstvu korisnika	Sektor 02	Broj	0	1	1	Budžet	11,900	5,000	K4	K4	izvršene pripremne aktivnosti